



Vniuersa Theologia Scholastica, Speculatiua, Practica

Ad methodum S. Thomæ, quatuor Tomis comprehensa

Tanner, Adam

Ingolstadii, 1626

V. Quæna[m] vera sente[n]tia de causa Prædestinationis, ex parte
prædestinati: & an o[m]nino detur aliqua causa meritoria, vel dispositiua,
seu impetratoria, vel causa per accidens, siue occasio, aut ...

[urn:nbn:de:hbz:466:1-72856](https://nbn-resolving.de/urn:nbn:de:hbz:466:1-72856)

nis supernaturalis locutus est, ut circa secundam sententiam retulimus, & videre est apud Bannem loco ibidem citato: nec etiam satis constat, an ea fuerit Bonaventuræ sententia, ut dictum est q. præced. dub. i. vbi simul fundamentum eiusdem sententia refutauimus.

Omittio eos, qui cum afferant, gratiam efficacem talem formaliter esse & dici solū ab ipsam cooperatione, consequenter docent, in nobis esse conditionem, seu potius rationem & causam, ut vocatio prima non quidem nobis prædestinatur & conferatur, sed sit efficax, & pertinet ad prædestinationem, non ad communem proutientiam: de qua re in materia de gratia discerendum, & non nihil etiam sequenti; vbi simul expendemus illam sententiam, quæ negat illum effectum, etiam loquendo de prima gratia congrua, fuisse omni ratione priorem ipsa præscientia absolute cooperationis perseverant. Restat nunc, ut de causa totius prædestinationis veram sententiam exponamus; quod dubio sequenti aliquot conclusionibus ordine præstabimus.

D V B I V M V.

Quenam sit vera sententia de causa Prædestinationis, ex parte prædestinati; & an omnino admittenda sit illa ciuismodi seu causa motiva, seu occasio, seu conditio sine qua non totius prædestinationis, seu omnium effectuum ipsius.

S. Thomas i. p. q. 23. a. 5.

Vera igitur & communis Theologorum sententia in his assertionibus consistit, quas ordine subiungemus.

Assertio I. Causa, seu ratio motiva, totius prædestinationis, seu omnium effectuum prædestinationis, sive etiam ipsius gratia congrua prædestinatorum propriæ, ex parte prædestinationis est aliqua eius dispositio, sive conditio ex viribus naturæ profecta; neque positiva, in operibus bonis moralibus; neq; negativa, in carentia obicis constituta. Hæc est doctrina S. Thomæ hic q. 23. a. 5. & communis Theologorum, quos referemus assert. 5. contra primam sententiam superius relatam, & quod modum loquendi, etiam contra autores pro secunda sententia adductos, vt ibidem notauimus. Et quamvis forte hæc assertio non sit aperte de fide, vt colligi potest ex iis, quæ supra dub. præced. in relatione secundæ sententiae contra censuram Vasquez diximus, adeo tamen certa est, ut oppositum non sit tutum, vt communiter censem Doctores recentiores inferius citandi.

Probatur hæc assertio primum ex Scriptura; quæ sacerdos docet, in iis quæ ad salutem pertinent, hominem nihil præstare, nec peccata etiam vitare, aut absimmunem esse posse, sine gratia; neque adeo hanc

ex viribus naturæ sibi comparare posse. Cuiusmodi sunt illa Ioan. 15. v. 5. *Sine me nihil potest facere.* Rō 9. v. 16. *Non est voluntis, neq; currentis, sed misericordia Dei.* Rom. 11. v. 5. *Reliquæ secundum electionem gratia salutis factæ sunt. Si autem gratia, jam non ex operibus; alioquin gratia iam non est gratia.* Et v. 35. *Quis prior dedit ei?* Cor. 4. v. 7. *Quis enim te discernit? Quid autem habes, quod non accepisti? Si autem accepisti, quid gloriari, quia si non accepisti?* 2. Cor. 3. v. 5. *Non sumus sufficientes cogitare aliquid à nobis, quasi ex nobis; sed sufficientia nostra ex Deo est.* Philip. 2. v. 13. *Deus est qui operatur in vobis & velle, & perficere, pro bona voluntate.* Iacobi 1. v. 17. *Omne datum optimum, & omne donum perfectum desirsum est, descendens à patre luminum.* Osee 13. v. 9. *Perditio tua Israhel, tantummodo in me auxilium tuum.* Speciatum verò contra Aureolum, huc faciunt illa, Iob 14. v. 4. *Qui potest facere mundum de immundo conceptum semine?* nonne tu qui solus es? Proverb. 20. v. 9. *Quis potest dicere, mundum est cor meum, purus sum a peccato?* Ephes. 2. v. 3. *Eramus natura filii ira Rom. 11.* Concluit Deus omnia in incredulitate, ut omnium miseretur. Ex quibus pater, non esse naturæ hominis, aut virium naturalium, peccati obice carere, aut quicquam facere, quo à reprobis discerneratur.

Secundum probatur ex S. Augustino, aliisq; Patribus, qui vi in inferius videbimus assert. 5. omnem causam motiuam prædestinationis, ex parte prædestinati, excludunt. Optimè de hac re Augustinus lib. de prædest. Sanct. c. 6. *Electio, inquit, ista gratia est, non utique meritorum.* Superius enim dixerat (Rom. 11.) *Sic ergo & in hoc tempore reliqua per electionem gratia salutis factæ sunt. Si autem gratia, iam non ex operibus; aliqui gratia iam non est gratia.* Gratia ergo consecuta est, quod consecuta est electio: non præcessit eorum aliquid, quod priores darent, & retruberetur illis: pro nihilo enim saluos fecit eos. Idem habet Prosper ad excerpta Genes. dub. 4. Et multa in hunc sensum definit. Concilium Araucanicum II. Quibus accedunt illa, quæ ex Scriptura & SS. Patribus adduximus dub. 1. ad probandum, nullam in particuliari dari causam, cur hic potius eligatur aut prædestinatur, quam aliis. Plura assert. seq.

Ratio generalis est. Quia omne medium particulae salutis, est effectus prædestinationis, sive ut ordinis naturalis, sive supernaturalis, ut dictum quæst. præcedent. Ergo etiam tam carentia obicis, quam opus bonum morale, esto ex viribus naturæ profectum ad salutem quicquam conferre posset, est effectus prædestinationis.

Ratio particularis contra Aureolum est. Quia iuxta ipsum, obex gratia & æternæ prædestinationis, est etiam peccatum originale, ut dictum dub. præcedent, ob id enim ait, ex infantibus quosdam à Deo fuisse reprobatos: atverò hunc obicem peccati originalis habent omnes; ac præcipue quoad hoc parés sunt omnes infantes, vt ex dictis patet; tum ex illo Rom. 5. v. 12. manifestum est: *Sicut per unius hominem peccatum in hunc mundum intravit, & per peccatum mors, & ita in omnes homines mors pertransit, in quo omnes peccaverunt.* Et v. 18. *Igitur sicut per unius delictum in omnes homines in condemnationem, sic & per unius iniustiam in omnes homines in iustificationem vita.* Sicut enim per inobedientiam unius hominis peccatores constituti sunt multi, ita & per unius obediendum iusti-

confi-

7 constituentur mulci. Ergo carentia obicis inter homines, maximè inter infantes, non est causa totius prædestinationis, seu omnium effectuum prædestinationis.

5 Vnde secundò sic argumentari licet. Carentia obicis est carentia peccati etiam originalis, ut docet loc. cit. Aureolus aut ergo prædestinandi offeruntur præscientiæ diuinæ tanquam à peccato originali præseruati, eiusque penitus expertes, aut tanquam ex viribus naturæ ab eo liberati; aut per gratiam Christi ab eo liberati: duo priora dici nullo modo possunt, sine manifesto Pelagianismi errore: si tertium dicatur, impossibile est, ut carentia obicis dicitur causa totius prædestinationis, seu omnium eius effectuum: Ergo. Minor probatur quoad priorem partem, quia Pelagianum est dicere, homines peccatum origine non contrahere; hoc enim est negare peccatum originale; siquidem nulla est ratio, cur id tribuatur solum reprobis, & non prædestinati: & si hoc maxime verum esset, id ipsum tamen præcipuum quoddam diuinæ gratiæ erga prædestinatos opus, adeoque effectus prædestinationis esset. Nec minus contra Pelagianos damnatus in Concilijs error est, dicere, hominem sine gratia Christi à peccato originali liberari posse, ut pater ex omnibus fere Concilijs contra Pelagianos celebratis, speciatim ex Mileuitano, Arausiano, Tridentino, &c. Tertia pars itidem patet Quia si ipsi etiam prædestinationis nisi per gratiam Christi à peccato originali liberantur; ergo ea ipsa carentia peccati originalis est effectus gratiæ diuinæ, adeoque prædestinationis; Ergo impossibile est, ut sit causa seu ratio motiva totius prædestinationis, seu omnium effectuum prædestinationis.

6 Tertiò rursum. Si carentia obicis, seu peccati originalis, est causa totius prædestinationis, necesse foret, ut ipsa non esset effectus prædestinationis, vt factetur Aureolus: sed plane falsum est, eam carentiam non esse effectum prædestinationis: cum sit effectus baptismi, quem effectum esse prædestinationis sæpe sibi contra Pelagianos, eorumque reliquias inculcat Augustinus, maximèlib. de prædest. Sanct. & de persever. & satis patet ex ijs, quæ de effectu prædestinationis dicta sunt quæst. præced. Est ergo manifestè absurdum, quod ait Aureolus, baptismi collationem & occasionem non esse effectum prædestinationis, quasi tantum ex dispositione cursus naturalis, & causarum secundarum, sine speciali & particulari decreto diuinæ prouidentiæ accidat; ut ex infantibus vnu baptizetur, alter non baptizetur.

Quarto, loquendo speciatim de adultis, obex in his est malus vius liberi arbitrij, ut ait Aureolus, ac proinde carentia obicis in hoc consistit, ut non malevantur libero arbitrio, adeoque non peccent: at vero impossibile est, vt homo adultus, sine gratia longo aliquo tempore, aut ad finem vsque vitæ à peccato etiam mortali immunem se præset: non est enim homo, qui non peccet, 3. Reg. 8. v. 46. ut in materia de gratia fuissemus to. 2. disp. 6. q. 3. dub. 4. & 5.

7 Quod si Aureolus dicat, satis esse pro illa carentia obicis, vt homo adultus brevi aliquo tempore non peccet; id omnino falsum est, siquidem multi sunt reprobii, qui cum longo etiam aliquo tempore mortaliter non peccarint, nihilominus tamen quia semel tandem aliquando peccant mortaliter, & cum

eo peccato decedunt, damnantur: neque satis est diu-
turna vila mora temporis sine peccato transacti
quamdiu homo viuit, qua hominem securum aut
certum de sua prædestinatione & salute reddere pos-
sit: semper enim adhuc fieri potest, ut peccet, & ob
peccatum damnerit, ut constat etiam ex definitione
Concilij Tridentini, sess. 6. can. 2. 2. & 23. E contra-
rio vero sæpe accedit, ut homo prædestinatus in fine
tandem vitæ conuertatur & poenitentiam agat, &
ita cum gratia decedat, ut in bono latrone accidit:
Ergo falsum prorsus est, carentiam peccati personalis,
quomodo inquit explicetur, esse rationem &
causam totius prædestinationis, seu omnium effec-
tuum prædestinationis.

8 Ratió particularis contra eos, qui bona opera
moralia constituant causam & rationem gratiæ &
prædestinationis, est. Tum quia siue prauia motione
gratiæ nullum opus salutare fieri à nobis potest; ac
proinde motio gratiæ præuenientis antecedit bo-
num ac salutarem viuum liberi arbitrij, ut in materia
de gratia ibidem docetur dub. 3. non sequitur; nec
ad ipsam gratiam sanctificantem homo satis se dis-
ponere per vires naturæ vlo modo potest, ut defini-
tur in Concilio Tridentino sess. 6. can. 1. 2. & 3. Tum
quia fieri potest, ut homo quantumvis in bonis ope-
ribus moralibus ante finem vitæ se exerceuerit, ad-
huc tamen gratiam congruam prædestinatorum,
propriam non si consecutus: è contrario fieri po-
test, & sæpe fit, ut qui nulla eiusmodi bona moralia
exerceuerit, in fine tamen vitæ per diuinam gratiam
subito conuersus saluetur, ut dictum. Ergo vanum
est, eiusmodi bonis operibus moralibus prædestina-
tionem attribuere.

9 Nec video ullum argumentum, quo oppo-
sentia corroboretur; quia Deus in prædestina-
tionem non habere se æqualiter ad omnes, etiamsi Deo
prædestinati æquali conditione omnes offerantur,
quod hæc sententia pro absurdo habet, ex Scriptura
& Patribus notissimum est, ex dub. 1. Illud autem a-
xioma, Deus facienti quod in se est, non denegat suam
gratiæ; non intelligitur de faciente per vires na-
ture, sed per auxilia actualia præuenientis gratiæ, ut
suo loco de gratia doceat tom. 2. disp. 6. q. 3. dub. 7. &
rectè exposuit S. Thomas 1. 2. q. 109. a. 6. ad 2. & q.
1 i 2. a. 2. & 3. Denique falsum est, inter auxilia diuinæ
gratiæ solum numeranda esse ea, quæ sunt intrin-
secæ supernaturalia, ut ibidem de gratia docetur q. 1.
dub. 2. & 3.

10 Afferio II. Causa & ratio motiva prædestina-
tionis sive totius, sive etiam ad gratiam congruam
prædestinatorum propriam, non sunt bona opera
moralia prædestinati, gratiam sanctificantem ante-
cedentia, quamvis ex particularibus auxiliis Dei pro-
fecta. Hæc afferio directè est contra secundam sen-
tentiam superioris relatam, & contra Iauellum alios-
que authores ibi relatos, prout à nobis expostiti sunt;
& sumitur itidem ex S. Thoma q. 23. a. 5. & est com-
munis Doctorum, apud Banniem loc. cit. & Grego-
rium de Valentia q. 23. p. 4. § 3. Et quamvis Bannes
contra Iauellum dicat, eam Iauelli sententiam refu-
tari non minus, quam errorem Pelagianum, certè tamen
ea sententia ab errore Pelagiano absit, ut superiorius di-
ctum satis est dicere, eam & male sonare, & impro-
babilem esse, nec satis in fide tutam.

Probatur primum ex Scriptura & Concilijs, ex quibus colligitur, in rebus ad salutem & pietatem spectantibus, non solum hominem nihil posse sine auxilio speciali Dei, ad ordinem naturæ spectante, & naturales solummodo vites lapsæ nature quasi restituente, ut intellexit Iauellus, sed etiam sine auxilio gratiæ diuinæ per Christum, nihil posse facere; sic enim sonat illa: *Sine me nihil potest facere. Reliquia secundum electionem gratiæ salua facta sunt. Gratia Dei sum id quod sum. Et in Concilio Arauficano II. can. 6. dicitur: si quis sine gratia credentibus, volentibus, desiderantibus, & pulsantibus nobis, misericordiam dicir conferri, non autem diuinatus ut credamus, velimus, vel haec omnia sicut oportet agere valeamus, per infusionem & inspirationem sancti spiritus in nobis fieri constitutus, ut humilitati, & obedientiæ humanae fidibusque gratia adiutorium, nec ut obediemus & humiliemus, ipsius gratia donum esse consentit, respsit Apostoli dicentes, Quid habes, quod non accipisti? Gratia Dei sum id, quod sum. I. Cor. 4. 7. 15. Quod si ergo omne bonum ad pietatem & salutem spectans est effectus gratiæ, neccesse est, ut sit etiam effectus prædestinationis, cum gratia hominis prædestinata utique sit effectus prædestinationis ex quælibet præced dub. 1. Ergo impossibile est, ut sit causa eiudem gratiæ, siue prædestinationis ad eandem.*

Huc etiam secundum spectant alia loca Scripturæ, & Conciliorum quam plurima, quæ docent hominem ad gratiam sufficienter non disponi per sola opera bona moralia; sed necessariò prærequiri dispositionem supernaturalem fidei, spei, charitatis, pœnitentia, ut videtur etiam in Concilio Tridentino sess. 6. cap. 5. 6. & can. 1. 2. 3.

Tertio hoc spectant illa loca Scripturæ & Conciliorum, quæ uniuersim negant, gratiam ex operibus naturæ, seu naturalibus viribus dari: ut est in primis citatum illud Rom. 1. 1. si autem gratia, iam non ex operibus, alioquin gratia iam non est gratia. In quem sensum paulus antea etiam S. Augustinus & Prosperum pluribus differentes audiuitus. Optimè etiam S. Augustinus lib. 1. ad Simplic. q. 2. Vocantis est ergo gratia, percipiens vero gratiam consequenter sunt opera bona, non quæ gratiam pariant, sed quæ gratia pariantur. Non enim ut feruerat calefacit ignis, sed quia feruerit: nec ideo bene currit rotæ, ut retinendas, sed quia rotunda est: sic nemo propterea bene operatur, ut accipiat gratiam, sed quia accipit. Quomodo enim potest usque vivere, qui non fuerit iustificatus? &c. Prima est igitur gratia, secunda, opera bona, &c. Et infra: Non quia inuenit Deus opera bona in hominibus, quæ eligat, ideo manet propositum iustificationis ipsius; sed quia illud manet, ut iustificet credentes, ideo inuenit opera, quæ iam eligat ad regnum cœlorum, &c. Quartò hoc spectant illa loca Scriptura, quibus uniuersim probabitur inferius, nullam esse causam seu rationem motuam in prædestinato totius prædestinationis: quibus etiam superius dub. 1. probauimus, nullam esse causam, cur hic potius, quam aliud à Deo prædestinatur.

Quinto idem probat ratio. Quia vel Auctores illi sentiunt, opera bona moralia naturalia ante gratiam sanctificantem facta, esse causam & rationem gratiae ac prædestinationis ad gratiam electorum propriam, si modò aliqua breui aliquo tempore fiant; vel requirant, ut longo aliquo tempore exerceantur, absque novo peccati mortalis lapsu; neutrum dici potest.

Non primum. Quia falsissimum est, ad gratiam sanctificantem certò conciliandam sufficere, si bona opera moralia & naturalia breui solum aliquo tempore exerceantur, ut à fortiori ex insinuat Scripturæ locis patet. Neque secundum dici potest: quia ex materia de gratia apud S. Thomâ q. 109. a. 4. & 8. certum est, hominem extra gratiam sanctificantem constitutum non posse longo tempore à novo peccato mortali immunem se præstare; siue impotentia hæc sit physica & intrinseca, siue solum moralis & quasi extrinseca, de quo ibidem egit: i. u. s.

Denique bona eiusmodi opera moralia sive operationes sanctificantem non præcedunt; nonnunquam reprobis cum prædestinationis communia sunt; ut etiam assert. præced. dictum: Ergo nulla ex his ratio prædestinationis desum potest.

Nec vilum est oppositæ sententiæ fundamentum, præter id, quod iam antea refutauimus, petitum tum ex homine faciente quod potest; tum ex a qualitate diuinæ benevolentia ad omnes, in quibus nulla est inæqualitas, quod fundamentum falsissimum esse patet ex dub. 1. & 2.

Certe Iauellus ipse, quasi præfando, hac in refutatur, suam sententiam nulla authoritate muniri, cum ait: Verum sit abognanda aliqua ratio, pro qua Jacob est prædestinatus, & Esau reprobatus, à nullo adhuc decisus. Nam si ab aliquo, à D. Paulo decideretur in epist. ad Rom. à cap. 9. usque ad 1. 1. sed illereliquis totum inscrutabile, dicens: O altitudo diuinarum, &c. In cuius confirmationem adduxit Apostolus illud I. sa. 40. Quis cognovit sensum Domini. Praterea neq. Augustinus hanc questionem determinauit, neq. D. Thomas, neq. Scotus, neq. alii qui quædam, sed quilibet ilorum illum sensum secundum est, quislibet rationabilior videbatur.

Quod autem Iauellus ibidem nihilominus subiungit, quod illam opinionem nos sequi decet, quæ rationabiliter appareat, & aperte seruari rectitudinem diuinam, sufficientem fidem, occasiones defensionis tollat, defensio prædestinationis certitudinem cum libero arbitrio, quæ si liberum ei sit, à S. Pauli, Augustini, & S. Thomæ vestigijs in hac re discedere, non immerito reprehendit Bannes cit. q. 23. a. 5. Quoniam non rideat, inquit, maximam temeritatem auctori huius cum arrogantiæ coniunctam? Nam quæsiōnem, quæm neq. Paulus, neq. Augustinus, neq. D. Thomas definiri, hic auctor vult definire; & abognare nobis rationem sufficientem huius differentie, quarecumque Deus prædestinaverit, & non illum, ex quibusdam meritis parui momenti præscitus à Deo, cum tamen Apostolus solum abognauerit rationem quandam congruentem huius differentie in communis, ex parte omnipotenti Dei, qui volunt offendere maximum misericordiam & infinitam suam vindictam. Ceterum in particulari, quare istos homines, istum populum elegerit, & alium reprobauerit, recitat omnino in abyssum diuinarum sapientia & scientia Dei. Eandem doctrinam ecclesis Augustinus, gratia Dei testis insignis & præparator, dixit nobis. Quare illustrabit, illum non trahat, noli velle inuidigare sicut ovis errare. Eandem doctrinam ecclesis fuit D. Thomas, & sequuntur omnes, qui humilitate progradientur in via Dei. Ita Bannes cōtra Iauellum. Vide quæ de hac re diximus dub. 1.

Neque tamen idem negamus, aut ex consequenti negandum est, aliquibus operibus moralibus gratia Christi factis, antequam aliquis cognoscat mysteria supernaturalia, obtineri à Deo rerum illarum notitiam, &

tiā, & vlt̄erius mediā illā notitiā hominem conse-
qui posse iustificationem; quod ex communi rectē
asserit Vasquez disp. 91. num. 113. & nos suō loco
dicemus: etiā nonnūquā repugnare quoad pio-
rem partem videatur Augustinus: sed hoc solum ne-
gamus, operib⁹ bonis moralib⁹ fine omni gratia
Christi auxilio factis, prædestinationis gratiam, aut
villam omnino Christi gratiam obtineri posse, vt
sentiebant authores, quos impugnamus: qui auxilia
quidem Dei specialia, sed non auxilia gratia Christi,
in eiusmodi operibus admittebant, vt dictum. Plura
de hac re tom. 2. disp. 6. q. 3. dub. 7.

¹⁷ Assertio III. Cauſa ſeu ratio motiva prædestinationis, ſue totius ſue ad gratiam congruam prædeſtinatorum propriam, non ſunt etiam bona opera
prædestinationis ex gratia profecta, ſeu ipſi præiuio ei-
iusmodi bonorum operum, ſue conſiderenter, vt ex
ipſa etiam gratia, ſue vt ex libero hominiſ arbitrio
procedunt. Ita expreſſe S. Thomas hic cit. q. 23. a. 5.
& communis Doctorum, quos citabimus, ſententia;
& quidem adeo certa contra tertiam ſententiam ſuperius relatam, vt oppofitum non ſit probabile. Pro-
batur ex Scriptura, que vniuerſum docet, prædeſtinationem etiā gratitiam; & ſimil negat, in prædeſti-
natione etiā gratitiam; & ſimil negat, in prædeſti-
natione etiā ſequitam prædeſtinationis, ſaltem ad
gratia; vt partim ex testimonij pro prima & ſecun-
da assertione allatis patet, partim magis patebit af-
ſert. 5. Ratio eſt. Tum quia ipſem ille bonus viſus
gratia eſt effectus prædeſtinationis, etiam prout pro-
cedit à libero arbitrio: Ergo imposſibile eſt, vt ſic
cauſa totius prædeſtinationis, ſeu omnium effectuum
prædeſtinationis, vt recte etiam argumentatur S.
Thomas cit. a. 5. Tum quia ipſis etiam reprobiſ à Deo
prædeſtinari potuſſet gratia congrua, quam si acce-
piffear, ea proculdubio recte fuerant viſi: Ergo falſum
eſt, rationem & cauſam prædeſtinationis ad
gratiam congruam eſte præſcientiam boni viſus ei-
dem gratia, ſeu cooperationis cum eadem gratia.
Denique ipſa gratia congrua cauſa eſt boni viſus libe-
riſubsequentis; non contra.

¹⁸ Notauit id optimè etiam S. Augustinus lib. 1. ad
Simplic. q. 2. vbiait: illud autem nescio, quomodo dic-
tur fruſtra Deum miseri, niſi nos velimus. Si enim Deus
misereatur, etiam volumnus: ad eandem quippe misericordiam
pertinet, vt velimus. Deus enim eſt, qui operatur in
nobis & velle, & operari, probona voluntate. Nam ſi que-
ramus, utrū Dei donum ſi voluntas bona, mirum ſi negare
quisquā audeat. At enim quianon præcedit voluntas bona
vocationem, ſed vocationem voluntatem, propterea vo-
canti Deo recte tribuitur, quod bene volumnus, nobis vero
tribuinon poterit, quod vocamur. Quibus verbis expreſſe
docet Augustinus, nullam in nobis eſte cauſam, cur à
Deo congrue vocemur; ſed hanc potius vocationem
eſte cauſam omnis bona operationis noſtræ.

¹⁹ Evidēm infra: Non poterit, inquit, effectus misericor-
dia Dei eſſe in hominū potestate, vt fruſtra ille misereatur,
ſi homo nolit; quia ſi velle etiam ipſorum miseriſerit (donatione videlicet gratia congrua) poſſerit vocare, quomodo
illius aptum eſſet, vt & mouerentur, & intelligent, &
ſequentur. Verum eſt ergo, Multi vocati, pauci vero ele-
cti. Illi enim electi, qui congreuerint vocati: illi autem, qui
non congreueant, neq; contemperabantur vocationi, non
electi, quia non fecerit, quanquam vocati. Item verum eſt, Non
volentis, neq; currentis, ſed miserentis eſt Dei; quia etiam ſi

multos vocat, eorum tamen miſeretur, quos ita vocat, quo-
modo eis vocare aptum eſſet, ut ſequantur. Eſt ſum eſt autem,
ſi quis dicit, Igitur non miſerentur Dei, ſed volentis atq; cur-
rentis eſt hominiſ; quia nullius Deus fruſtra miſeretur. Cu-
im autem miſeretur, ſic eum vocat, quomodo ſit ei congre-
re, ut vocante non refutat. Hic dicer aliquis, Cur ergo E-
ſau non ſic eſt vocatus, ut velle obedire. Videmus enim alios
aliter, uſdem rebus demonstratis, vel significatis, ad creden-
dum moueri, &c. Cum ergo aliud ſit, aliud autem ſit mouea-
tur ad fidem, eademque res ſepe diu modo dicta moueat, alio
modo dicta non moueat, aliud ſit moueat, aliud non moueat,
quis audeat dicere, deſufit Deo modum vocandi, quo etiam
Eſau ad eam fidem mitem applicaret, voluntatemque con-
iungere, in qua Iacob iuſtificatus eſt? Ita Augustinus.

²⁰ Neque vero par est ratio gratia congrua, quia eſt
equa aliquid, quem recte ſepe donat dominus seruo
ſuo, qui eo beneſiurus eſt; negat alteri, qui otioſiſ
habitur; quod exemplum obiicitur contrarie ſententie authores. Quia equus licet ſit materia &
concauſa boni viſus; non tamē per ſe efficit, & infa-
libilitate cauſat bonum viſus: at vero gratia congrua
& concauſa eſt boni viſus per modū gratia adiuuantis,
& cauſa infallibilis boni viſus, per modū gratia
præuenientis; quocunq; reperiatur; ita ut reiſla &
effectu ſecuturo ea nemo abutit, nemo non bene vidi
poſſit. Quod ſi par etiam ratio eſſet equi, ut non ſo-
lum facultatem boni viſus, ſed etiam ipſum bonum
viſum infallibiliter praefatet, cuiuscunq; obtingeret,
cum planè nulla etiam ratio motiva ex bono viſu fu-
turo aſignari poſſet, cur huic potius, quam alteri
donaretur, vtpote omnibus ex aequo viſui futurus,
quibus ſi demum obtingat.

Assertio IV. Bonus viſus gratia, & cooperatio no-
stra abſolutè futura, non eſt etiam viſo modo cauſa ſeu
conditio ſine qua non, ſue totius prædeſtinationis,
ſue donationis ipſius gratia congrua. Colligitur
itidem ex S. Thoma hic q. 23. a. 5. & eſt communis
Doctorum ac certa, contra quartam ſententiam ſuperius
relatam, vt videre eſt apud Vasquez ibidem ci-
tatū, & in ferius patebit assert. seq. Colligitur & pro-
batur ex dictis assert. p̄ced. Siquidem ipſa cooperatio
noſtra, etiam velle à libero arbitrio, eſt effectus
prædeſtinationis: Ergo imposſibile eſt, vt ſit condi-
tio ſine qua non, ad omnes effectus prædeſtinationis;
alias enim cōditio ſine qua non eſſet etiā ad ſeipſam.

²¹ Deinde eadem cooperatio noſtra eſt effectus gra-
tia congrua, eaque posterior, vt antea dictum; Ergo
non poſſet eſte conditio ſine qua non ad donationem
gratia congrua: quia conditio ſine qua non, ſi
respectu aliquid effectus, eſt aliquid prius eodem ef-
fectu, non posterius. Denique Deus cuilibet etiam re-
probo poſſet donare eam gratiam, qua recte ipſe viſus
eſſet: Ergo eius donatio non requirit hanc cōdi-
tionem in ſuſcipiente, vt eare recte viſurus ſit; ſed facit.
Huc etiam ſpectat authoritas S. Augustini eadem af-
ſert. p̄ced, citata, & alia, assertione ſeq. citanda.
Quare eſto opposita ſententia grauiorem notam
non mereatur, certētamen improbabilis eſt.

Neque ex eo, quod prædeſtinatione non ſit ſine no-
stra cooperatione, ſequitur, cooperationem eſſe cō-
ditionem ſine qua non; quia etiam ſol nunquam eſt
ſine lumine, ſeu illuminatione: neque tamen ideo
lumen ſeu illuminatio eſt conditio ſine qua non re-
ſpectu ſolis; ob eam nimirum ipſam cauſam, quia eſt

aliquid

aliquid posterius sole: ita etiam se res habet cum co-operatione respectu gratia congrua, vel prædestinationis ad eandem in adultis, &c.

²² Assertio V. Ex parte hominis prædestinati nulla penitus datur causa meritoria, seu ratio, siue occasio, vel conditio vlo modo motiva, seu dispositiva, seu imperatoria; aut etiam sine quanon, siue totius prædestinationis, siue omnium effectuum prædestinationis. Hæc est expressa sententia S. Thome hic q. 23. a. 5. vbi ait: *Impossibile est, quod totus prædestinationis effectus in communi habeat aliquam causam ex partenofstra.* Idem docent S. Thomas lib. 3. cont. gent. c. 161. & 163. Ferrariensis ibidem, Caietanus, Barnes, Zumbel, & omnes Thomistæ hic cit. art. 5. Magister in 1. dist. 41 quem sequitur Bonaventura ibid. a. 1. q. 1. & 2. Scotus q. vn. Richardus. 2. q. 1. Durandus in 1. dist. 2. q. 5. Marsilius in 1. q. 41. a. 2. Armineus dist. 41. q. 1. Heruæus dist. 40. q. vn. art. 3. Driedo de concord. lib. arb. & prædest. part. 1. cap. 3. Sotus in epist. ad Rom. cap. 9. Cordubalib. 1. q. 5%. Gregorius de Valentia hic q. 23. p. 4. s. 4. Molinaa. 5. disp. t. memb. 11. Bellarminus lib. 2. de grat. & lib. arb. cap. 9. Suarez lib. 2. de prædest. cap. 24. Vasquez disp. 9. 1. cap. 11. & seqq. Lellius de prædest. hominis sect. 1.

²³ Probatur primum ex Scriptura. Ita enim expressè docet S. Paulus Rom. 9. à v. 11. longo orationis contextu, his verbis: *Cum enim nondum nati fuissent (Iacob & Esau) aut aliquid boni egisset, aut mali (et secundum electionem propositum Dei maneret) non ex operibus, sed ex vocante dictum est ei. Quia maior seruaret minori, sic ut scripsum est, Iacob dilexit, Esau autem odio habuit.* Vbi enim ait, non ex operibus, sed ex Deo vocante, & ut secundum electionem propositum Dei maneret, Iacobum à Deo fuisse dilectum, Esau vero non item, sed respectuè quasi odio habitum (reprobatione scil. negativa, ut dicetur q. 6.) aperè indicat, nullam causam ex parte prædestinationis esse, cur secundum diuinam prædestinationem Iacobus fuerit propositus Esau: siue interim hoc loco direcè agatur de diuina prædestinatione ad vitam æternam, vt quidem communiter Augustinus, alijque Patres & Theologi intelligunt: siue directè solum de prædestinatione seu præordinatione diuina Iacob ad bona & beneficia, seu prærogatiwas quædā temporales sit sermo, vt vult Vasquez in paraphrasi, & cit. disp. 9. 5. c. 8. nihilominus enim hoc saltē quasi paradigmatis seu exemplilico, ac velut quoddam simile diuina prædestinationis ad gratiam proponitur, vt omnes SS. Patres & Doctores vñanimiter testantur, & ipsam Apostolus eo loco aperè indicat.

²⁴ Pergit Apostolus ibidem eodem orationis contextu à v. 14. *Quid ergo dicimus? nunquid iniquitas apud Deum? Absit. Moysen inquit dicit, Miserebor, cuius misereor: & misericordiam praestabo, cuius miserebor.* Igitur non voluntis, neq; currentis (hoc est proprijs natura viribus fatigantis) sed miserenis est Dei, &c. Ergo cuius vult misereor, & quem vult inducere. Vbi rursum aperitissimis, ac lepius iteratis verbis, in solam Dei misericordiam diuinæ prædestinationis consiliū refertur.

Et quia mox hinc oriri videbatur alicuius erga Deum querelæ occasio, quasi Deus frustra de hominum malitia ac interitu queratur; cuius auferendæ vel impediendæ efficaciter penes eum solum origináliter est & potestas, & arbitrium, mox hanc obie-

ctionem, ibidem retundit, & rursum assertionem illam suam de gratuita Dei dilectione & prædestinatione, ratione & exemplo cōfirmat Apostolus v. 19. *Dicū itaq; mihi; quid adhuc queritur (Deus?) voluntati enimeius quis respicit?* O homo tu quis es, qui respondas Deo? Nunquid dicit figuratum ei, qui se fixit, *Quid me fecisti sic?* annon habet potestatem figuram luti, ex eadem massa facere aliud quidem vas in honorem, aliud verò in contumeliam? Quasi dicat: Nil est, cur homo aduersus Deum idcirco murmuraret. Deus enim est absolutus Dominus vita & mortis vniuersitatisque, non minus quam filius vasorum, quæ facit. Sicut ergo iste suo arbitratu, absque vlla iniuria, viuum quidem vas destinat ad honestos vasas, aliud verò ad sordidos; ita etiam Deus alios quidem homines eligit ad gratiam, alios relinquit, seu etiam post præiulsum peccatum ad poenam & supplicium destinat. Quare ex toto eius orationis contextu manifestum est, ex mente Apostoli, prædestinationem Dei ad gratiam congruam, electorum propriam, plane esse gratuitam, nec ullam eius ex parte hominis esse rationem motiuam seu inducituam: simulque indicat etiam eandem esse rationem reprobationis negari, ut dicetur q. 6.

Similis est locus i. Cor. 4. v. 7. *Quis autem te discerit? Quid autem habes, quod non acceperis? si autem accepisti, quid gloriaris, quia non acceperis?* Discretio hæc inter iustum & peccatorem, atque etiam inter prædestinationem & reprobum, si tum per gratiam congruam, tum per diuinam electionem; cuius proinde nulla ratio in homine potest assignari: siquidem Deo soli discretio hæc tribuitur. Utroque autem loco frequenter in suis contra Pelagianos & Semipelagianos libris vñuntur Augustinus, & alij Patres, ac Doctores. Huc spectant cætera Scripturæ loca, quibus superius dub. 1. probavimus, nullam dari causam, præter solam Dei voluntatem, cur Deus hunc potius, quam alium prædestinet.

²⁵ Secundò probatur assertio ex SS. Patribus Augustinus quidem utroque libro de prædest. Sancti & de bono perseuer. hoc vel maxime ac potissimum agit, ut ostendat, prædefinitionem Dei esse gratuitam, nec eius in nobis ullam esse causam, sed in sola voluntate, misericordia, & gratia Dei; quem ita etiam sequuntur Prosper, Hilarius, & Fulgentius: quorum plura testimonia in cuncta sententia etiam superius dub. 1. & 3. reculimus. Optimum inter alia est illud eiuldem Augustini lib. 1. ad Simplic. q. 2. cum ait: *Igitur non volentis, neq; currentis, sed inservient est Dei: quandoquidem nec vult, nec curere, nisi eo mouente atque excitante poterimus.* Quid si electionis hæc fuit aliqua, ut sic intelligamus quod dictum est, *Reliquæ per electionem gratia salvæ factæ sunt: non ut iustificatorum electione fiat ad vitam æternam, sed ut eligantur, qui iustificantur; certè ita occulta est haec electio, ut in eadem confessione non sis prorsus apparere non posse.* Aut si apparet quibusdam, ego in hacre vñficiataen meam facio. Non enim habeo, quod inuenir in eligendis hominibus ad gratiam salvarem, sed ex membris huius electionis aliqua cogitatione permittar; nisi vel in anima ingenuum, vel minor a peccata, vel virtusque addam suam, si placet, honestas utilesq; doctrinas. Quisquis ergo fuerit quam minimis peccatis irretitus atq; malo latuus, vñdis quis potest & acer ingenio, & liberalibus artibus expolitus, eligendus videretur ad gratiam.

Sed cum hoc statuero, ita me ridebit ille, qui infirmi mundi.

wundi elegit, ut confundat fortia, & stulta mundi, ut confundat sapientes, ut cum intuens, pudore correctus, ego irrideam multos, & pra quibusdam peccatisribus castigares, & pra quibusdam pescatoribus oratores. Nonne aduersum, multis fideles nostros ambulantes viam Dei, ex nulla parte ingenuo comparari, non dicam quorundam hereticorum, sed etiam minorum? Item non videmus quosdam homines viri sexus, in coniugali castitate videntes sine querela, & tamen vel hereticos, vel paganos, vel etiam in vera fide & vera Ecclesia scipios, vt eos mireretur mereticum & histrionum subito conuerorum, non solum patientia & temperantia, sed etiam fide, & charitate superari?

Refat ergo, vt voluntates elegantur, sed voluntas ipsa, nisi aliquid occurrit, quod delectet atq; insuitet animum, moueri nullo modopotes. Hoc autem ut occurrit, non est in hominis potestate. Quid volebat Salust, nisi ut inuidet & traheret, vincire, & necaret Christianos? Quam rabida voluntas, quam furiosa, quam caca, qui tamen una desperata voce prostratus, occurrent utiq; tali viso, quoniam illa voluntas refracta, sensita torqueretur, & corrigetur ad fidem, repente ex Evangelio mirabiliter persecutore mirabilior predictor effectus est. Et tamen quid dicimus: nunquid iniq; est apud Deum? exigentem a quo placet, donantem cui placet; qui nequam exigunt indebitum, nequam donat alienum. Nunquid iniq; est apud Deum? Absit. Quare tamen & huic ita, & huic non ita? Homo tu quis es? debitus si non reddit, habes quod gratuleris; si reddit, non habes quod queraris. Credamus tamen, esti capere non valimus, quoniam qui uniusvisans creaturam & spiritualem, & corporalem fecit, & condidit omnia & numero, & pondere, & mensura disponit; sed inscrutabilia sunt iudicia eius, & ininvestigabiles via eius. Dicamus Hallelujah, & collaudemus canticum, & non dicamus, quid hoc? ut quid hoc? Omnia enim in tempore procreata sunt. Haec tenus Augustinus.

²⁷ Huc spectat canon 6. Concilij Arausicanii II. superiorius relatus, & Concilium Valentianum sub Lotherio Imperatore cap. 3. vbiait: Estemur prædestinationem electorum ad vitam, & prædestinationem impiorum ad mortem; in electionem tamen salvandorum, misericordiam Dei præcedere meritum bonum. Rationem eiusdem assertiois deduximus supra dub. 1. & hic assert. 1. vbi probauimus, nullam esse rationem, cur Deus hunc potius, quam alium prædestinet; neque ex carentia obicit seu peccati, ullam posse rationem assignari prædestinationis ad gratiam congruam.

Affterio VI. Datur tamen in homine prædestinationis causa etiam meritoria aliquorum effectuum prædestinationis, adeo que prædestinationis, ex parte aliquorum effectuum: sed & inter ipsos effectus prædestinationis unus est causa alterius; imo etiam mutuo ac vicissim in diuerso genere cause, alter alterius est causa. Ita S. Thomas hic q. 23. a. 5. Richardus in t. d. 41. a. 2. q. 1. Egidius Romanus ead. dist. q. 2. a. 1. Durandus ibidem, num. 6. Heruzetus in t. d. 40. q. vn. a. 1. Eckius in Chrysopatlo cent. 2. num. 15. & 17. & sequuntur omnes recentiores; adeo ut hæc sit res extra controversiam apud Catholicos. Probatur & declaratur. Quia de fide est, hominem iustum bonis operibus ex gratia Christi factis de condigno mereri vitam æternam, vt & augmentum gratia; nec adulatum absque meritis saluari, vt docetur in t. 2. de gratia: utraque autem, & merita scilicet illa, &

gloria, effectus sunt prædestinationis: Ergo per unum effectum prædestinationis homo promeretur alterum.

Et nihilominus tamen gloria est causa finalis meritum, vii & gratia: hæc vero est semen quasi quoddam, seu instrumentum gloriae acquirendæ; ita ut gloria causa quadam efficiens sint merita; meritum gratia: contra finis gratia in adultis sint merita, meritum gloria: Ergo inter ipsos effectus prædestinationis vicissim ac mutuo unus est causa alterius in diuerso genere cause, ut dictum: sicut etiam in rebus naturalibus accidit, ut vicissim ac in diuerso genere causa una alterius sit causa. Idem sumitur ex Augustino lib. 1. ad Simplic. quest. 2. Ex quibus redet etiam Gregorius de Valentia huc quest. 23. punct. 4. §. 1 refutat Caluinum, qui lib. 3. Institut. cap. 22 sect. 9. reprehendit S. Thomam, eod quod hic art. 5. asseruerit, merita esse causam prædestinationis, quoad effectum gloriae; cum potius gloria dicenda sit causa finalis prædestinationis, &c. Quasi vero non simul utrumque optimè stare possit: cum & in agone seu studio errantibus (cum quibus homines ad ultos in hac vita comparat) Apostolus 1. Corinth. 9. v. 25.) præmium seu corona sit causa finalis certaminis, & certamen causa meritoria corone seu premij, &c.

²⁹ Assertio VII. An ipsius etiam in se prædestinationis ad gloriam, causa seu ratio sint bona opera, meritoria prædelinata, ex eo pendet, an præuisio meritorum in Deo prædestinante, ratione antecedat prædestinationem seu electionem ad gloriam. Hæc assertio patet ex dictis dub. 2. Neque enim ut dicamus, aliquid esse causam meritoriam se rationem ipsius prædestinationis ad aliquem effectum, satis est, si sit causa meritoria effectus eiusdem prædestinationis, vt Gregorius de Valentia loc. cit. §. 1. Vasquez, & alij nonnulli existimarent; sed necessarium præterea est, vt in mente diuina antecedat ratione prædestinationem ad eiusmodi effectum: quia ratione quest. seq. dicemus, prædestinationem ad gloriam non esse factam propter præuisa merita. Neque vero S. Thomas hic cit. q. 23. a. 5. alterutram partem determinat; solum enim assignat rationem seu causam prædestinationis ad gloriam, ex parte effectus, non ex parte actus, seu ipsius prædestinationis. Quare in resolutione etiam ita loquitur: Dicendum, quod effectum prædestinationis considerare possumus duplicitate. Unus modo in particulari; & sic nihil prohibet, aliquem effectum prædestinationis esse causam & rationem alterius: posteriorum quidem prioris, secundum rationem causæ finalis; priorem vero posterioris, secundum rationem causæ meritorie; quareducitur ad dispositionem materie. Sicut si dicamus, quod Deus præordinatus se daturum alicui gloriam ex meritis, & quod præordinatus se daturum alicui gratiam, ut mereretur gloriam, &c. Vbi vocula, Ex meritis, idem est quod per merita; & non denominat verbum præordinavit, sed quod antea immediatè præcesserat daturum alicui gloriam; qui est effectus seu executio illius præordinationis.

Hæc de causis prædestinationis
satis.